

# ***SUBVENCIONS*** **A TRABALLADORES AUTÓNOMOS**

**ACOLLIDOS AO CESAMENTO DE ACTIVIDADE POLO COVID 19**



# **Beneficiarios da subvención**

# Beneficiarios da subvención



**As persoas físicas maiores de dezoito anos que cumpran os seguinte requisitos:**

- ▶ Ser traballadores autónomos, incluídos no Réxime Especial de Traballadores **Autónomos** ou no Sistema Especial para Traballadores por Conta Propia Agrarios, figurando dados de alta no Imposto de Actividades Económicas.
- ▶ Exercer unha actividade económica con carácter **empresarial**, profesional ou artística por conta propia no municipio de Pereiro de Aguiar.
- ▶ Ter recoñecida a prestación extraordinaria por **cese de actividade** prevista no artigo 17 do Real Decreto Lei 8/2020 de 17 de marzo, de medidas urxentes extraordinarias para facer fronte ao impacto económico e social do **COVID 19**.

# Beneficiarios da subvención

Non poderán ser beneficiarios das subvencións previstas nas presentes bases os traballadores autónomos colaboradores. Considéranse autónomos colaboradores, a estes efectos, o cónxuxe e os familiares ata o segundo grao por consanguinidade, afinidade ou adopción que convivan co traballador autónomo titular da actividade económica, realicen traballos retribuídos para este e non teñan a consideración de traballadores por conta allea conforme ao Artigo 1.3 e) do Estatuto dos Traballadores.



# **Contía da Subvención**

# Contía da subvención



- ▶ A subvención será idéntica na súa contía para todos os solicitantes e farase efectiva nun pago único.
- ▶ O importe da subvención determinase unha vez pechado o prazo de presentación das solicitudes, dividindo o crédito orzamentario dispoñible entre o número de solicitudes con dereito a subvención.

- ▶ En todo caso, a subvención non poderá exceder de 600 euros por solicitante.



# **Solicitudes: Prazo e Lugar de presentación**

# Prazo e Lugar de presentación



► O **prazo de presentación** de solicitudes será de dez días hábiles, contados a partir do día seguinte ao da publicación da convocatoria no Boletín Oficial da Provincia da Provincia de Ourense.

► O formulario de solicitude e a documentación adxunta **poden presentarse de dúas formas** alternativas:

**a) De forma telemática**, a través do Rexistro Electrónico do Concello de Perei-

ro de Aguiar: **concellopereiro.sedelectronica.gal** utilizando o trámite de solicitude de instancia xeral dispoñible na sede.

**b) De forma presencial**, en calquera dos seguintes lugares:

- Nas oficinas de **Rexistro Xeral** do Concello do Pereiro de Aguiar ou de calquera outra administración pública.
- Nas oficinas de **Correos**.



**Documentación  
que se debe achegar**

# Documentación que se debe achegar



- ▶ **Formulario normalizado debidamente cuberto, que se porá a disposición dos interesados na web do Concello do Pereiro de Aguiar.**
  - ▶ **Copia da resolución de recoñecemento da prestación extraordinaria por cese de actividade** prevista no artigo 17 do Real Decreto Lei 8/2020 de 17 de marzo, de medidas urxentes extraordinarias para facer fronte ao impacto económico e social do COVID-19.
  - ▶ **Certificación actualizada de situación censal**, expedida pola Axencia Estatal Tributaria con posterioridade a 31 de decembro de 2019, na que se indique a actividade económica exercida e o domicilio da actividade económica, ou por este Concello onde se exerce a actividade, no que se indique a actividade económica exercida e o domicilio da mesma.
- A certificación será do propio autónomo como persoa física ou da persoa xurídica ou entidade sen personalidade xurí-

# Documentación que se debe achegar



dica a través da que se exerza a actividade e á que estea vinculado.

► **Certificado de titularidade da conta corrente** onde desexa que se realice o ingreso da subvención, expedido pola correspondente entidade de crédito.

► **Copia do poder de representación do interesado**, no caso de que a solicitude se formule a través de representante.

No suposto de autónomos societarios, deberá presentarse a mesma documentación indicada no apartado anterior, observándose as seguintes regras especiais:

a) A **certificación censal actualizada** que deberá presentarse será a propia da persoa xurídica ou entidade sen personalidade xurídica que exerza a actividade e figura dada de alta como tal na matrícula do IAE.

# Documentación que se debe achegar



**b)** Deberá achegarse **copia da escritura de constitución** da persoa xurídica, debidamente actualizada e inscrita no rexistro oficial correspondente, ou ben copia do **contrato** ou **título constitutivo** da sociedade civil, comunidade de bens ou entidade sen personalidade xurídica de que se trate.

